



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ
ՆԱԽԱՐԱՐ

Հ Ր Ա Մ Ա Ն

«06» շեկտեմբեր 2017թ.

N 148-ՂԱ/

**«ԵՐԵՒԱՆԵՐԻ ԱԶԱԿՑՈՒԹՅԱՆ ՀԻՄՆԱԴՐԱՄ» ՀԱՍԱՐԱԿԱԿԱՆ
ԿԱԶՄԱԿԵՐՊՈՒԹՅԱՆ ՍՈՑԻԱԼԱԿԱՆ ԾԱՌԱՅՈՒԹՅՈՒՆՆԵՐ ՏՐԱՄԱԴՐԵԼՈՒ
ԳՈՐԾՈՒՆԵՐՈՒԹՅՈՒՆԸ ՀԱՎԱՍՏԱԳՐԵԼՈՒ ՄԱՍԻՆ**

Հիմք ընդունելով Հայաստանի Հանրապետության կառավարության 2002 թվականի նոյեմբերի 14-ի N 1821-Ն որոշմամբ հաստատված Հայաստանի Հանրապետության աշխատանքի և սոցիալական հարցերի նախարարության կանոնադրության հավելվածի 12-րդ կետի «դ» ենթակետի, Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 22-րդ կետի պահանջները, ինչպես նաև Հայաստանի Հանրապետության աշխատանքի և սոցիալական հարցերի նախարարի 2017 թվականի փետրվարի 16-ի N 30-Ա/1 հրամանի համաձայն ստեղծված հանձնաժողովի կողմից 2017թ. նոյեմբերի 17-ին տրամադրված՝ «Երեխաների աջակցության հիմնադրամ» հասարակական կազմակերպության կողմից 2017 թվականի օգոստոսի 25-ին Հայաստանի Հանրապետության աշխատանքի և սոցիալական հարցերի նախարարություն ներկայացված՝ Հայաստանի Հանրապետության կառավարության 2015 թվականի սեպտեմբերի 10-ի N 1078-Ն որոշմամբ հաստատված հավելվածի 3-րդ բաժնով նախատեսված հայտին կից փաստաթղթերի ուսումնասիրության վերաբերյալ եզրակացությունը.

Հ Ր Ա Մ Ա Յ ՈՒ Մ Ե Մ՝

1. Հավաստագրել «Երեխաների աջակցության հիմնադրամ» հասարակական կազմակերպության (այսուհետ՝ կազմակերպություն) սոցիալական ծառայություններ տրամադրելու գործունեությունը՝ համաձայն Հայաստանի Հանրապետության

Ե Ջ Ր Ա Կ Ա Ց Ո Ւ Թ Յ Ո Ւ Ն

«Երեխաների աջակցության հիմնադրամ» հասարակական կազմակերպության սոցիալական ծառայություններ տրամադրելու գործունեությունը՝ երեխաների խնամքը սոցիալական հոգածության ցերեկային կենտրոնում հավաստագրելու վերաբերյալ

(ք.Հրազդան, Կենտրոն 73)

ք. Երևան

«17» նոյեմբերի 2017 թ.

Ուսումնասիրելով «Երեխաների աջակցության հիմնադրամ» հասարակական կազմակերպության (այսուհետ՝ Հայտատու) կողմից 2017 թվականի օգոստոսի 17-ին ՀՀ աշխատանքի և սոցիալական հարցերի նախարարությանը ներկայացված՝ ՀՀ կառավարության 2015 թվականի սեպտեմբերի 10-ի «Սոցիալական ծառայություններ տրամադրելու գործունեության հավաստագրման դեպքերը և կարգը հաստատելու մասին» թիվ 1078-Ն որոշման (այսուհետ՝ Որոշում) հավելվածի 3-րդ բաժնով նախատեսված հայտը և կից փաստաթղթերը.

Հ Ա Ն Ձ Ն Ա Ժ Ո Ղ Ո Վ Ը Պ Ա Ր Ձ Ե Ց '

- 1) 2017 թվականի հոկտեմբերի 23-ին Հայտատուի կողմից ՀՀ աշխատանքի և սոցիալական հարցերի նախարարություն է ներկայացվել հայտ՝ երեխաների խնամքը սոցիալական հոգածության ցերեկային կենտրոնի հավաստագրման համար:
- 2) Հայտին կից ներկայացվել են՝ ՀՀ կառավարության 2015 թվականի սեպտեմբերի 10-ի «Սոցիալական ծառայություններ տրամադրելու գործունեության հավաստագրման դեպքերը և կարգը հաստատելու մասին» թիվ 1078-Ն որոշման (այսուհետ՝ Որոշում) հավելվածի 3-րդ բաժնով նախատեսված հայտը և կից փաստաթղթերը:

2017 թվականի նոյեմբերի 17-ին հանձնաժողովի կողմից հրավիրվել է նիստ, որտեղ հանձնաժողովի կողմից ուսումնասիրվել են հայտատուի կողմից ներկայացված հայտը, դրան կից փաստաթղթերը, ինչպես նաև քննարկվել է Հայտատուին սոցիալական ծառայություններ տրամադրելու գործունեության հավաստագրման հարցը, որի արդյունքում Հանձնաժողովի կողմից կազմվել է արձանագրություն և եզրակացություն:

«Հ կառավարության 2015 թվականի սեպտեմբերի 10-ի «Սոցիալական ծառայություններ տրամադրելու գործունեության հավաստագրման դեպքերը և կարգը հաստատելու մասին» թիվ 1078-Ն որոշման հավելվածով հաստատվել է սոցիալական ծառայություններ տրամադրելու գործունեության հավաստագրման դեպքերը և կարգը, որով սահմանվում են սոցիալական ծառայություններ տրամադրելու գործունեության հավաստագրման դեպքերը, հավաստագրման համար պահանջվող փաստաթղթերը և պայմանները, կարգավորվում են սոցիալական ծառայություններ տրամադրելու գործունեության հավաստագրման և սոցիալական ծառայություններ տրամադրելու գործունեության հավաստագրի տրամադրման հետ կապված այլ հարաբերություններ:

Որոշման հավելվածի 6-րդ կետով սահմանվում է, որ սոցիալական ծառայություններ տրամադրելու գործունեության հավաստագրման համար կազմակերպությունը լիազորած մարմին է ներկայացնում հայտ և սույն կարգի 8-րդ կետում նշված փաստաթղթերը:

Որոշման 4-րդ բաժնով սոցիալական ծառայություններ տրամադրելու գործունեության հավաստագրման համար նախատեսված, ի թիվս այլ պարտադիր պայմանների, նույն բաժնի 13-րդ կետով սահմանվում է, որ հավաստագրվում են այն կազմակերպությունները, որոնք ապահովում են տվյալ սոցիալական ծառայություն տրամադրելու գործունեության համար անհրաժեշտ՝ Հայաստանի Հանրապետության օրենսդրությամբ սահմանված պահանջները բավարարող կոմունալ, սանիտարահիգիենիկ և հակահրդեհային անվտանգության անհրաժեշտ պայմանները, տվյալ սոցիալական ծառայություն տրամադրելու համար նախատեսված տարածքի ընդհանուր և բնակելի մակերեսին, անձնակազմին (աշխատողների թվին և հաստիքներին), նրանց աշխատանքային պայմաններին, միաժամանակյա խնամք

ստացողների (բնակվողների) առավելագույն թվին, նրանց տրամադրվող սննդի չափաքանակին, դրա էներգետիկ արժեքին, հագուստի, սպիտակեղենի, կոշիկեղենի, անկողնային և անձնական հիգիենայի պարագաների չափորոշիչներին, անվտանգության ապահովմանը և այլ պայմաններին ներկայացվող պահանջները:

Որոշման հավելվածի 25-րդ կետի 2-րդ ենթակետի համաձայն՝ հայտին կից ներկայացվել են սույն կարգով պահանջվող բոլոր փաստաթղթերը:

Ելնելով վերոշարադրյալից, հիմք ընդունելով գործող օրենսդրության պահանջները և հաշվի առնելով այն, որ Հայտատուի կողմից հայտին կից՝ որոշմամբ պահանջվող բոլոր փաստաթղթերը ներկայացվել են, ինչը Որոշմամբ սահմանված իրավակարգավորումների շրջանակներում հիմք է հանդիսանում Հայտատուի կողմից նախարարություն ներկայացված սոցիալական ծառայություններ տրամադրելու գործունեությունը հավաստագրելու համար և ղեկավարվելով Որոշման 21-րդ կետի պահանջներով.

ՀԱՆՁՆԱԺՈՂՈՎԸ ԵԶՐԱԿԱՑՐԵՑ՝

«Երեխաների աջակցության հիմնադրամ» հասարակական կազմակերպության կողմից Հայաստանի Հանրապետության աշխատանքի և սոցիալական հարցերի նախարարություն ներկայացված՝ սոցիալական ծառայություններ տրամադրելու գործունեությունը ենթակա է հավաստագրման: Սույն եզրակացությունը վերոնշյալ որոշմամբ սահմանված ժամկետում տրամադրել ՀՀ աշխատանքի և սոցիալական հարցերի նախարարին:

Հանձնաժողովի նախագահ՝

Հանձնաժողովի քարտուղար՝

Հանձնաժողովի անդամներ՝

Թ. Ավետիսյան

Կ. Խաչատրյան

Ա. Կեսոյան

Ա. Մինասյան

Ա. Պետրոսյան

ԱՐՁԱՆԱԳՐՈՒԹՅՈՒՆ ԹԻՎ 5

ՀՀ աշխատանքի և սոցիալական հարցերի նախարարի 2017 թվականի փետրվարի 16-ի N 30-Ա/1 հրամանով սահմանված՝ սոցիալական ծառայություններ տրամադրելու գործունեության հավաստագրման գործընթացը կազմակերպելու, հավաստագրման և հավաստագրումը մերժելու մասին եզրակացություններ տրամադրելու նպատակով ստեղծված հավաստագրման հանձնաժողովի (այսուհետ՝ Հանձնաժողով) նիստի

Հանձնաժողովի նիստի ամսաթիվը՝ 17.11.2017թ. ժամը 10:00

Հանձնաժողովի նիստի վայրը՝ ՀՀ աշխատանքի և սոցիալական հարցերի նախարարություն (Հանրապետության հրապարակ, Կառավարական տուն թիվ 3)

Հանձնաժողովի նիստին մասնակցեցին՝

Հանձնաժողովի նախագահ՝

Թադևոս Ավետիսյան - ՀՀ աշխատանքի և սոցիալական հարցերի նախարարի տեղակալ,

Հանձնաժողովի անդամներ՝

Աստղիկ Մինասյան - ՀՀ աշխատանքի և սոցիալական հարցերի նախարարության աշխատակազմի սոցիալական աջակցության վարչության պետ,

Արամ Պետրոսյան - ՀՀ աշխատանքի և սոցիալական հարցերի նախարարության աշխատակազմի իրավական ապահովման բաժնի պետ:

Հանձնաժողովի քարտուղար՝ Կարինե Խաչատրյան - ՀՀ աշխատանքի և սոցիալական հարցերի նախարարության աշխատակազմի ընտանիքի, կանանց և երեխաների հիմնահարցերի վարչության գլխավոր մասնագետ:

Հանձնաժողովի նիստին հարգելի պատճառներով ներկա չէին՝

Հայկ Մուրադյանը - ՀՀ աշխատանքի և սոցիալական հարցերի նախարարության աշխատակազմի վերլուծության և մոնիթորինգի վարչության պետ,

Գեղանուշ Գյունաշյանը - ՀՀ աշխատանքի և սոցիալական հարցերի նախարարության աշխատակազմի ընտանիքի կանանց և երեխաների հիմնահարցերի վարչության պետ:

Թ. Ավետիսյանը բացեց նիստը և ներկայացրեց նիստի օրակարգը:

Հանձնաժողովը՝

1. Քննարկեց սոցիալական ծառայություններ տրամադրելու գործունեության հավաստագրման համար դիմած հասարակական կազմակերպությունների հավաստագրման գործընթացի հետ կապված խնդիրները, այդ թվում՝ սահմանված ժամկետների խախտումները:

Թ. Ավետիսյանը հանձնարարեց պատրաստել զեկուցագիր՝ սոցիալական ծառայություններ տրամադրելու գործունեության հավաստագրման համար դիմած, հավաստագրման և հավաստագրումը մերժելու մասին եզրակացություններ տրամադրած կազմակերպությունների մասին՝ միաժամանակ լրացնելով կից աղյուսակում պահանջվող տեղեկատվությունը:

Թ. Ավետիսյանը հանձնարարեց ներկայացնել տեղեկանք՝ սուբսիդիայի տրամադրման պայմանագրով պետական աջակցություն ստացող կազմակերպությունների մասին՝ լրացնելով կից աղյուսակում պահանջվող տեղեկատվությունը:

Թ. Ավետիսյանն անդրադառնալով ՀՀ կառավարության 2015 թվականի սեպտեմբերի 10-ի N 1078-Ն որոշմանը, նշեց, որ կարգի 4-րդ գլխի պահանջներն անհրաժեշտ է վերանայել, որի համար առաջարկեց նախապատրաստել հանձնարարականի նախագիծ՝ ՀՀ աշխատանքի և սոցիալական հարցերի նախարարի կարծիքին ներկայացնելու համար:

Թ. Ավետիսյանը հանձնարարեց հանձնաժողովի անդամներին և հանձնաժողովի քարտուղարին. սոցիալական ծառայություններ տրամադրելու գործունեության հավաստագրման համար դիմած կազմակերպությունների փաստաթղթերն ուսումնասիրելուց հետո համապատասխան վարչությունը ներկայացնող հանձնաժողովի անդամը դիմումը ստացվելուց հետո՝ եռօրյա ժամկետում պետք է տա նախնական եզրակացություն, որի հիման վրա հնգօրյա ժամկետում հանձնաժողովի քարտուղարը պետք է պատրաստի եզրակացությունների նախագծեր՝ նախապես քննարկելով այն հանձնաժողովի նախագահի հետ:

Թ. Ավետիսյանն ամփոփեց ժամկետների հետ կապված հարցը՝ նշելով, որ սոցիալական ծառայություններ տրամադրելու գործունեության հավաստագրման համար դիմած կազմակերպության դիմումը ստանալուց հետո՝ 7-օրյա ժամկետում

սահմանված կարգով հավաստագրման և հավաստագրումը մերժելու մասին եզրակացության հիման վրա պետք է պատրաստել նախարարի հրամանի նախագիծ:

2. Քննարկեց «Լիարժեք կյանք», «Առավոտ», «Երեխաների աջակցության հիմնադրամ», «Հայ մայրեր», «Կայուն զարգացման նախաձեռնությունների «Աստղացույց» բարեգործական հասարակական կազմակերպությունների կողմից ներկայացված հավաստագրման հայտերը:

4. Խաչատրյանի ներկայացմամբ և քննարկումների արդյունքում պարզվեց՝

1) «Լիարժեք կյանք» բարեգործական հասարակական կազմակերպությունը գործունեություն է իրականացնում ք. Ստեփանավան, 4-րդ փողոց, տուն 6 հասցեում: Տրամադրում է սոցիալական ծառայությունների հետևյալ ձևերը՝ երեխաների խնամքը սոցիալական հոգածության ցերեկային կենտրոնում՝ տվյալ գործունեության նշված հասցեում:

2) «Առավոտ» բարեգործական հասարակական կազմակերպությունը գործունեություն է իրականացնում ք. Վանաձոր, Թատերական 8 հասցեում: Տրամադրում է սոցիալական ծառայությունների հետևյալ ձևերը՝ երեխաների խնամքը տնային պայմաններում ՀՀ Լոռու և Շիրակի մարզերում և երեխաների խնամքը սոցիալական հոգածության ցերեկային կենտրոնում՝ տվյալ գործունեության նշված հասցեում:

3) «Հայ մայրեր» բարեգործական հասարակական կազմակերպությունը գործունեություն է իրականացնում ք. Երևան, Հալաբյան 59 հասցեում: Տրամադրում է սոցիալական ծառայությունների հետևյալ ձևերը՝ երեխաների խնամքը սոցիալական հոգածության ցերեկային կենտրոնում՝ տվյալ գործունեության նշված հասցեում:

4) «Կայուն զարգացման նախաձեռնությունների «Աստղացույց» հասարակական կազմակերպությունը գործունեություն է իրականացնում ք. Ճամբարակ, Գետափնյա 37 հասցեում: Տրամադրում է սոցիալական ծառայությունների հետևյալ ձևերը՝ երեխաների խնամքը սոցիալական հոգածության ցերեկային կենտրոնում՝ տվյալ գործունեության նշված հասցեում:

5) «Երեխաների աջակցության հիմնադրամ» հասարակական կազմակերպությունը գործունեություն է իրականացնում ք. Հրազդան, Կենտրոն 73 հասցեում: Տրամադրում է սոցիալական ծառայությունների հետևյալ ձևերը՝ երեխաների խնամքը սոցիալական հոգածության ցերեկային կենտրոնում՝ տվյալ գործունեության նշված հասցեում:

Հանձնաժողովը որոշեց՝

1. «Լիարժեք կյանք» բարեգործական հասարակական կազմակերպության սոցիալական ծառայություններ տրամադրելու գործունեությունը ենթակա է հավաստագրման,

2. «Երեխաների աջակցության հիմնադրամ» հասարակական կազմակերպության սոցիալական ծառայություններ տրամադրելու գործունեությունը ենթակա է հավաստագրման,

3. «Հայ մայրեր» բարեգործական հասարակական կազմակերպության սոցիալական ծառայություններ տրամադրելու գործունեությունը ենթակա է հավաստագրման,

4. Կայուն զարգացման նախաձեռնությունների «Աստղացույք» հասարակական կազմակերպության սոցիալական ծառայություններ տրամադրելու գործունեությունը ենթակա է հավաստագրման,

5. «Առավոտ» բարեգործական հասարակական կազմակերպության սոցիալական ծառայություններ տրամադրելու գործունեության տեսակները, որոնք ներկայացվել են հայտով, ենթակա են լրացուցիչ մասնագիտական ուսումնասիրության:

Թ. Ավետիսյանը հանձնարարեց՝

1. Ա. Կեսոյանին՝ ուսումնասիրել «Առավոտ» բարեգործական հասարակական կազմակերպության սոցիալական ծառայություններ տրամադրելու գործունեությունը՝ տարեց և (կամ) 18 տարին լրացած հաշմանդամություն ունեցող անձանց խնամքը տնային պայմաններում և ներկայացնել նախնական եզրակացություն հանձնաժողովի հաջորդ նիստում:


2. Կ. Իսախանյանին՝ կազմակերպության սոցիալական ծառայություններ տրամադրելու գործունեությունը հավաստագրելու մասին ՀՀ աշխատանքի և սոցիալական հարցերի նախարարի հրամանն այսուհետ մեկօրյա ժամկետում հրապարակել նախարարության պաշտոնական կայքում, միաժամանակ առաջարկել համապատասխան պատասխանատուներին՝ կայքում ստեղծել համապատասխան բաժին:

3. Կ. Իսախանյանին և Ա. Պետրոսյանին՝ սոցիալական ծառայություններ տրամադրելու գործունեության հավաստագրման գործընթացը կազմակերպելու, հավաստագրման և հավաստագրումը մերժելու մասին եզրակացություններ տրամադրելու նպատակով սույն թվականի նոյեմբերի 21-22-ը այցելել ՀՀ Գեղարքունիքի մարզի Ճամբարակ քաղաք՝ «Երեխաների աջակցության հիմնադրամ» հասարակական կազմակերպության Երեխայի զարգացման «Աստղիկ» կենտրոն՝ կազմակերպության հայտում ներկայացված գործունեության համար ՀՀ օրենսդրությամբ սահմանված անհրաժեշտ պայմաններին տեղում ծանոթանալու և հանձնաժողովի հաջորդ նիստում անհրաժեշտ տեղեկատվություն տրամադրելու նպատակով:

4. Կ. Խաչատրյանին՝ որոշման հավելվածի 21-րդ կետով սահմանված պահանջների կատարումն ապահովելու նպատակով կազմել «Լիարժեք կյանք» բարեգործական հասարակական կազմակերպության, «Երեխաների աջակցության հիմնադրամ» հասարակական կազմակերպության, «Հայ մայրեր» բարեգործական հասարակական կազմակերպության և Կայուն զարգացման նախաձեռնությունների «Աստղացույք հասարակական կազմակերպության սոցիալական ծառայություններ տրամադրելու գործունեությունը հավաստագրելու մասին հանձնաժողովի եզրակացությունների նախագծերը, ապահովել նախագծերի ներկայացումը ստորագրման՝ սահմանված կարգով:


Որոշման պահանջներին համապատասխան կազմել ՀՀ աշխատանքի և սոցիալական հարցերի նախարարի հրամանի նախագիծ և սահմանված կարգով ներկայացնել նախարարի հաստատմանը:

Հանձնաժողովի նախագահ՝



Թ. Ավետիսյան

Հանձնաժողովի քարտուղար՝



Կ. Խաչատրյան